

Х о й р ш ѳ л г

Хойр үүрин инъгллгън

Газрин ууджмас гинä
Галв багъ наста,
Хойр үр харгъна
Хоорндан кӯр эклнä.

—Би тенъгсин кōвāгъäсв,
Байрта хӯвтā үрмб,
Чи хамагъасвчи?—гидж
Черкесс кōвӯн сурна.

—Хальмгин өргн теегäсв,
Хонъгър, Джанъгърин ачв,
Дүмбр танъгъчиннь эрки
Дууч хōöch кōвӯмб.

Кōвӯд гаран атхлдад
Кесгтāн теврлдäд зогсв,
Кишгин байр чирäсинь
Кеерӯлдж бамбар цецгä-
рӯлв.

Наснаннь туршд мартшго
Бат үүрмӯд болцхав,
Нерāн тодлдж авлдад
Белг хоорндан өгцхäv.

Хойр үүрин хаалгъиг
Хурц нарн герлткв.
Тер нарн—Ленин,
Теднä кишг—Партий.

Сäähн инъгүдтāн

Хальмгин кӯүкд, берäдāн
Хäлäдж хумрм цадхш,
Үсäрдсн улан халхсинь
Үмсдж бахм ханхш.

Хääльнъгъү джōөлн зүрктä,
Хар уга ухата,
Хаджгър уга, чик
Халта сäähн инъгүд.

Магтх үг олдхш—
Мандлсн нарн мет,
Мартхар чеедж седхш
Мōнъкинд седклäс гархш.

Сōод унтад кевтвчн
Сананас тōрүц хольджхш,
Өдрт сергäд йоввчн
Өрчäс цур алдрхш.